


medica


















CAROLI  
DRELINCURTII  
APPENDIX  
AD  
LIBITINÆ  
TROPHÆA.

*Respondet Stolidò secundum stultitiam  
ejus, ne sit sapiens in oculis suis.  
Prov. 26. vs. 5.*



ANNO 1680.







Ω' απ ρ μάστιξ ἵππῳ, ἔ κέντρον  
ὄνῳ, ἕτως ῥάβδος ἔθνῳ ᾧ ἰσχυρόνῳ.  
*Vt flagellum adhibetur equo,  
ἔ stimulus asino; Sic virga  
tergo Stolidorum, sive gen-  
tis exlegis, atque scelerata.*  
Prov. xxvi. vers. 3.

1941 g 8801





V I R O

Egregiè Docto, & Virtute  
Conspicuo

J A C O B O  
R O N D E L L O,

*Græcarum Literarum Profes-  
sori meritissimo sa-  
lutem.*

**I**n solens est, Vir Erudi-  
te, *Uni singulatim inscri-  
bere, quod multis uni-*

A 2

ver-



#### 4 DEDICATIO.

*verse*; sed huic insolentiæ cordati, queis Tua innotuit Polymathia, plausuri sunt, secum si reputant Te *Unum esse instar Omnium.* Tu siquidem, *mî Rondelle*, non modò supra *Doctores Meos*, (quibus etiam *universis hanc Appendicem nuncupo*) sed *Literatores* præter cæteros ita *oculatus* es, ac ita *nasutus*, & *palati* tam *subtilis*, minima quæque vitia statim ut deprehendas.

Utinam, atque iterum  
uti-



DEDICATIO. 5

utinam ex illius animi  
 docti candorè haud Tibi  
 grave sit meos oculos festu-  
 cis eximere, meaque in-  
 odora fragrantia reddere;  
 atque meas *nugas*, alias  
*insulsas* & nihil, *salibus*  
 Tuis *aspergere* vel *acutissi-*  
*mis*, quò meorum Docto-  
 rum, àd meatum dicta, tum  
*scripta stupentium*, veter-  
 num excutias! Id hujus  
 Appendicis recudendæ  
 gratiâ, rectò pectorè Te  
 præstiturum totus confi-  
 do, amantem si reda-

A 3 mas,



6 DEDICATIO.

mas, & colentem si re-  
colis,

CAROLUM TUUM DRE-  
LINCURTIUM,  
Medicum Regium  
in Gallis, nec-non  
Batavos inter Medi-  
cine Professores Pri-  
mariū.

PRÆ.





## PRÆFATIO.

**R**abelæsum, rabiè nusquam  
læsum, imitari non pudet:  
Is feria vulgat, sed flocci fit.  
Verùm, ludicra sua juris vix  
facit publici, quin ubique de-  
fiderentur Exemplaria. His  
pariter Ego jocis, & aculeis,  
fungos illos fodico, qui Ora-  
tionè meâ seriâ nequaquam  
tanguntur, ut hisce joculari-  
bus, & aculeatis vel hebe-  
tiores excitem hanc saltem  
ad Appendicem expeten-  
dam.

A 4

Huic



*Huic porrò Appeudici Iudices Severi dedêre locum. Nuper etenim, sententiâ meis de Libitinæ Trophæis rigidam Midas dixit: & locum in subselliis occupârunt, ac Tribunal compleverunt Doctores acutum auriti, atque adeò judicii \* superbi, qui virgula Censoriâ, sed clausis oculis, Mea nupera de suggestû Dicta, sibi prorsus ignota, perstrinxerunt. Immo, sententiâ de Me peremptoriâ latâ, Memet ex Ditionis suæ, atque etiam, si Diis placet, ex naturæ humanæ finibus proscripserunt.*

*Toti*

*\* Isthæc consequutio, Tullianas alludit ad Aures quarum judicium est superbissimum.*



P R Æ F A T I O. 9

Toti siquidem glandulosæ fi-  
 dei propagatores Me canê pe-  
 jùs oderunt & angué; Dum  
 quippe Veritatis vim sustinêre  
 nequeunt, nec hilum interim  
 doctrinæ habent, quâ valeant  
 καὶ ἀγέσων ἀντιστώσας, suam in  
 Me despumaturi rabiem faci-  
 norosos emittunt, qui, pro-  
 pter metum præsentis exitii,  
 mea non audent jugula pete-  
 re; Sed, ab ineuntibus Mar-  
 tii Bacchanalibus in hanc us-  
 que quadragesimam exeun-  
 tem, meas in ædes tenebri-  
 cosum impetum facere non de-  
 sinunt, meaque identidem &  
 vitrea specularia, & ferreos  
 cancellos effringunt rabidi,  
 adeò ut tutior degerem medios  
 inter Scythas, atque Massa-  
 getas,



IO P R Æ F A T I O .

getas \*, quàm hic Leidæ Doctores inter Pancreaticos, atque Pineales.

Istam profectò talem ac tantam ab ipsis reporto benevolentiam, quòd hujus Acad. causa, Galliarum è Metropoli, Regiis ubi Muneribus, absit invidia dicto, jam olim § inclarueram,  
per

\* Hi speciatim, Scythiæ Asiaticæ trans Araxem populi, suis infestissimi sunt hospitibus, neque cum ullis amicitiam, fidemve, servant ullam.

§ Aliàs enim Me, Patriis è Laribus, neutiquam evocassent. Hic quippe Lustrici Parentes, rem meam qui promoverint, Mihi sunt nulli. Et illorum aliunde morem execror, qui Lustricæ cognationis ambitû, & quotidianò suò conviciò, faciliùs, & citiùs quàm aurò & doctrinâ suis, quibus leberidè sunt nudiores, ipsos expugnant fuggestus.



per hujus Illustres Reip. Legatos alterum atque alterum abstrahi Me passus sim.

Illum insuper gratum experior animum, quòd Ego huc advena, nec ullo saltu, ex plebis facè, plurimum inquitiorum more Doctorum, vel à Processibus, vel à Professoribus evedtus\*, ternis nihilo secius Magnatibus illis, quos recens à Nobis deduxère Parcæ, & tribus insuper p. m. Collegis parentavcrim. At illorum erat, qui  
Se,

\* Τὸς ἐκ ποδῶς ὑψιμαρῶς ἰατρῶς, Medicos pede evedtos, Hippocrates eleganter vocat, qui, fungorum more, una noctè crescunt, & repentè exaltantur; sive, qui saltu veluti quodam, ex infimâ conditione promoventur ad summam.



Se, suaque tum *Optimatibus*  
*Reip. tum Academiae Membris*  
 & debent & debebunt æternum,  
 Senis illis *vel justa fecisse Pa-*  
*rentalia; vel Mihi saltem, qui*  
 tot illis parentatus sum, *gra-*  
*tias habere nusquam intermori-*  
*turas.*

*Mancipiis igitur præsertim*  
*illis & Procerum & Professo-*  
*rum, usque aded Mihi bene-*  
*volis, Appendicem hancce καί τε*  
*Ἐχαριστικῶν, καί τε Ἐφημιστικῶν*  
*animitus voveo, dico, conse-*  
*cro.*



TYPOGRAPHUS

DOCTORIBUS

Glandulosis,

*Ceterisque omnium Ordinum  
Lectoribus*

S.



lacuit *Primario*, si *Dîs* placet, *Medicinæ* *Professori Dre-*  
*lincurtio*, *Glan-*  
*dulosorum Doctorum Ad-*  
*versario stolide feroci, vi-*  
*rulentam admodum, &*  
*innumeris Metaphorarum*  
*flosculis ineptissime super-*  
*bientem Orationi suæ ad-*  
\* *ditam*



## PRÆFATIO.

ditam *Appendicem* inter Gallos, Anglos, Germanos disseminatam Belgis nostris denegare; sive quod facti ducatur Pœnitentia, quæ tamen maledicendi obtrechandique impetum in præferendi ingenii, nulliusque Judicii Viro, quî cohibeat? sive quod ridiculas hæc tum *Sacrorum tum Profanorum Troporum* delicias nostris invideat, sive denique, quod *tutior* apud Exteros *Calumniam* existimet. Hanc cum forte fortuna ex  
Pe-



## PRÆFATIO.

Peregrinis oris nactus  
sim, committendum ne-  
quaquam censui, horum  
iræne dicam, an desipien-  
tiæ, aut potius Insaniæ *Dre-*  
*lincurtiana* scætuum deside-  
rio Charissimos meos Bel-  
gas diutius ut torquerem;  
Horum quippe interest  
quam maxime, scire u-  
trum insulsissimos habeat  
Academia nostra Docto-  
res, an vero *Mendacissimum*  
nobis dederit Gallia *Ca-*  
*lumniatorem*. Fruimini ita-  
que hac Vobis tantopere  
desiderata *Appendice*, &  
ha-



## PRÆFATIO.

habebitis, Opinor in hoc-  
ce scurrilium conyitiorum  
plaustro, quæ inter Vos  
rideatis suavissime. Vale-  
te, & sive serio, sive jöco  
quidpiam reponendum  
putetis, meam vobis ope-  
ram commendatam habe-  
tore, nisi malitis *Bacchæ*  
*Bacchanti non adversarier.*



# Appendix

Doctores ad  
**GLANDULOSOS\***

Insignitiores, sed

Ἀναπήρες, ἢ Πλωχομάσους, τρισί  
 τε κάππα κακίσοις,

Quàm

Unâ Cappâ, seu Bardocucullô†,  
 longè digniores.

**G**ratiâ Vestrâ, quâ florui  
 nunquam, excidi nus-  
 quam,

\* Quum illorum insignitiores Philoso-  
 phicâ Diogenis Pera careant, nullisque bonis  
 sunt Disciplinis instructi; sed rerum cuncta-  
 rum egeni, nec ullas, nisi ventris gratiâ, Mu-  
 sas colant, quid de ipsorum fæce credere est,  
 & quantâ rerum egestate premantur, &  
 quàm avidi luctuoso inhient anno, sibi que-  
 stuoso.

† Penula Cercopithecorum est illa, quâ

B

Bardos



quam, O Viri, & irriguô Pan-  
 creatè turgidi, & altà Pinû  
 superbi, sed dum à Neotericis  
 ad Vos Antiquarios deficio,  
 & Vestris è Scriptoribus hi-  
 storiam eruo, gratiam à Vobis  
 collecturus sum immensam,  
 & quæ Me astat à mortali-  
 tatè. Aliàs enim Oratio mea  
 nupera, *Vestris auribm acutis*  
*nauci vilior*, famam meam  
 extinxerat omnem: Sed in  
 præsens, Vestris è reconditis-  
 simis Scriniis Historiam dum  
 in lucem profero, totus à Vo-  
 bis æternitatem spiro. *Tan-*  
*tam enim Historiam*, uti mul-  
 tò scrutinio detexi, ita certè,  
 tota

*Bardos vestiunt, quos Doctores ex nihilo*  
*creant, utpote Medicinâ nullâ, vitis autem*  
*Creiensum, Cilicum, & Cappadocum im-*  
*butos.*



tota est illa multiplici medi-  
tatione concepta; labore im-  
probato parta; jugi exercitio  
profecta; ingenio exculta  
grandi; acris subacta judiciis  
numerosis demum & senten-  
tiis foeta, & pigmentis orna-  
ta, quæque omnes dicendi le-  
pores & lecythos ita exhausit,  
talem ut descriptionem nemo  
vel adumbrare quiverit un-  
quam. Imò, *Demosthenes*  
atque *Tullius* ringentes cre-  
puerunt, ob præreptam sibi  
Vestris ab illis Scriptoribus  
de Pancreatè, [*quibus, Vobis,*  
*Antiquius nihil est,*] palmam  
Oratoriam. Et quotusquis-  
que nunc Vestrum est. qui  
tam sublimi dicendi genere  
non rapiatur in Ἐκστασι. En

B 2

Vos



Vos igitur *Εκκαλυψ* & tantis  
veluti verborum incantamē-  
tis *mentē captos*:

Me autem, Neotericorum  
imbibitum Prudentiā, extra  
potestatem mentis nusquam  
exire decet, sed singula Ve-  
stri Scriptoris ita ruminari,  
ac meum in succum, atque  
meam in medullam ita con-  
vertere verba, ut Vobiscum.  
*O Viri, pancreatis succo præ-  
pingues, pinguis & Doctor  
evadam.*

*Obfer-*



*Observatio de Pancreatē  
Scirrhusō, tabificō, at-  
que lethiferō, Commen-  
tariis illustranda, utpote  
quæ nota aurea sit; atque  
adeò, tota digna, quæ Li-  
teris uncialibus cedro in-  
sculpatur, quò ab omni ho-  
minum obli-vionē atque si-  
lentiō vindicetur; idque  
presertim, cum ejus Exem-  
plaria, Scriptorum om-  
nium longè Antiquissi-  
ma, rerum invidiosâ ac  
edacî vetustatē corrosa  
sint.*



<sup>1</sup>**V**ir <sup>2</sup>juvenis <sup>3</sup>longo  
<sup>4</sup>itinere <sup>5</sup>maritimò  
<sup>6</sup>ex <sup>7</sup>India <sup>8</sup>Occidentali  
<sup>9</sup>ad

N.º 1. & 2 Prudens epitheton, ne quis putet *Virilem*, atque *Consistentem* ætatem, æquivocè dici de *Lanontibus*, atque *Silicer-  
 nis*.

3. Ne quis reputet *Virum* illum, nec *Infantem*, nec *Decrepitum*, ex *Indiis*, *Nostras* ad *humiles Oras*, unò vel alterò momento devolasse.

4. & 5. Ne quis secum reputet *pancreaticum* illum vel *Jovis*, atque *Minervæ* quadrigis albis, per *cælum*, huc usque subvectum esse; vel *Triptolemi* serpentibus alatis, huc convolasse; vel *Phaethontis* currû ex *Indiis Occid.* huc esse convectum, densò stipatum *Equitatû*, & *peditum*, *super undis*, magnâ comitante *catervâ*.

6. 7 & 8. Ne quis scilicet, malè *Geographus*. *Indias* & *Occid.* plures esse credat, *Meridionalem* v. g. atque *Septentrionalem*, singulariter scribit, uti *Virum Juvenem*, *plenis* *buccis pancreaticum*, atque *singularè* decet.

9. In:



9      10      11      12 13  
 ad hanc Civitatem, & ad

14      15      16  
 Nosocomiū Nostrū dela-

tus,

9. In Civitatem scripsisse fugit, ne quis opinetur pancreatē scirrhosum illum, ceu pestē afflatum, Civitatē vel donatum, vel exceptum esse.

10 & 11. Ne quis sibi fingat Practicum tantum, quantum est Vester Doctor, pagum, vel vicum, vel villam agrestem atque piscatoriam incolere.

12. 13. & 14. Ad, non verò In, ne quis autemet pestilentem illum halitū pancreaticō, Νοσοδοχεια receptum, alios & decumbentes perniciousiter afflante, Prudens ergo Practicus Vester, Legum observans jacentem suum, pancreaticā lūē formidandum, & ad Valetudinarii & ad Civitatis Portas reliquit: Illum enim hactenus exclusit ingressū.

15. Ne quis suspicetur Νοσοδοχεια illud vel apud Chineses, vel apud Iaponas esse.

16. Ne quis sentiat elumbem illum, quem prostratum ad Portas vidimus modò, vel Hippomenēā perniciousitatō huc cucurrisse; vel alis Icari huc advolasse.

B. 4.

17. &c.



tus, morbo chronicò lan-

guens & laborans, tandem

ubi

17. & 18. Ne quis sibi in animum inducat plurimum mensium τὸ πᾶσι *Ephemera* fuisse; & citius extinctum vel Ε'φμερία βρογτῶν, vel ipsò *Consulè Diali*.

19. *Suadam* adhibes meritò. Quis enim vel *Iudæis Apella*, tuum languere pancreaticum crederet, ni *Suadelâ* tuâ ad id impulsus?

20. & 21. *Chronicò languentem* eundem & laborare ita paradoxum est, ut mens nulla, nisi laborans & fides nulla, nisi implicita, isthæc ἀσύνετος sedê credat in unâ morari. Id tamen hî docemur; & tantò cum judiciò exarata verba fidem nostram cogunt omnem.

A 22. ad 30. *Langium* ipsum, πᾶσι *φρασεολογία* *ἐπισημῶν*, periodî tantæ numeri, jurè quodam suò, sibi arrogant. En ejus itaque verba, nullò *Me Exscriptoris* adulterata fucò; alias enim, numeros etiam addidissem, quibus caret hæc *πᾶσι φρασεολογία*.

Tandem aliquanpo *Quirites*, ubi *Concivi* ille, *Paacreaticus Noster*, *Mendicorum* in *Basilicâ* per tres, quatuorve menses, Me-



<sup>23</sup> ubi <sup>24</sup> per <sup>25</sup> tres <sup>26</sup> quatuorve  
<sup>27</sup> menses <sup>28</sup> hic <sup>29</sup> commora-  
<sup>30</sup> tus <sup>31</sup> est, <sup>32</sup> totus emaciatus  
<sup>33</sup> obiit, <sup>34</sup> & <sup>35</sup> in <sup>36</sup> ejus ca-  
 da-

cum COMMORARI\* desit Meis ta-  
 men Verbis ineptis Vos COMMORARI†  
 desivi nondum.

31. 32. & 33. Tantam *παρρησιολογίαν*  
 quis ferat? Censere est enim, extremos dun-  
 taxat vel unguium, vel pilorum vel dentium  
 apices, tantò morbo emaciatos, & suã pin-  
 guedinẽ penitus orbos, mortem suam ma-  
 cerrimam obiisse.

34 & 35. Ne quis existimet id Scirrhusẽ  
 pancreatis vel *ἀνεργηδόνων*, vel lupiarum  
 morò extracadaver pendulum uspiam con-  
 stitisse.

36. Ne quem credere subeat cadaver  
 illud alicujus esse vel Antipodis, vel Incolã-  
 rum Lunæ.

\* Id. est *συμωγῆ ἰνδν*, delirium agere, stult-  
 iam se gerere.

† Id. est detinere, in morã tenere.

37. &c



37. 38. 39. 40.  
 da vere post illius mortem

41. 42. 43. 44.  
 aperto sese obtulit pan-

creas

37. & 31. Ne quis acutè & veteratoriè  
 Philosophus *cadaver* assermet ante animam  
 in caelos evolantem.

39. Ne quis rursus sibi *cadaver* imagi-  
 netur vel *Caji*, vel *Titii*, ex terris *Australi-*  
*bus incognitis*.

40. & 41. Ne quis vel *Herophili morè*, vel  
*Vesalii infortuniò* spirantis Viri visceribus  
 cruentatum Doctorem traducat; *Iovens-*  
*lapidem*, [Sanctissimum jusjurandum] pa-  
 ratus est jurare, *Cadaver illud*, ad *Extispici-*  
*cium*, se nusquam aperuisse, nisi post mor-  
 tem, & quidem illius, ad quem *pancreus il-*  
*lud* attinebat. O perspicacem *Promethei*  
 prudentiã, quã vituperatio vitatur. omnis!

42. 43. & 45. *Felix qui potuit rerum co-*  
*gnoscere causas*.

Quàm igitur felicem praeticum *Tere-*  
*puto*, in cuius oculos rerum causa involent  
 incouultæ. Id profectò prodit *Gallinae Te-*  
*filium albæ*, & natum felicibus astris. Nos  
 viles pulli, ultrò, citròque, velut umbra va-  
 gamur, nec dum tamen *Veritatis Sepul-*

CRUX.



45                      46  
 creas quod invenimus

ni-

erum\* deprehendimus uspiam. Sed, non  
 omnis fert omnia tellus; nec omnibus datur  
 adire Corinthum.

45. & 26. En Te igitur Stentoreâ você  
 τὸ Archimedeum exclamantem Εὐρηκα,  
 Εὐρηκα. Vel latera firmi & contenta Te si  
 deficient, adsunt Tibi præstò buccones ador-  
 nati, qui vel in quadriviis πᾶρυγες bucci-  
 nent Πωρηλόλω esse. Talis enim est, unius  
 è Tuis aneatoribus, Libri titulus. Sed, surdis  
 fabula narratur. Aures namque Studiofo-  
 rum Batavæ, maximo sui detrimentò ad  
 Græca Surda sunt: Atque adeò scientiam  
 illæ portæ, alias patulæ, nunc autem occlu-  
 sæ, Tuas ad Fabellas recluduntur nusquam.  
 Quis enim, nisi Platinus sapiens, quique  
 solus omneis anteit sapientiâ, τὸ πᾶσι κακῶν  
 ἰατρία ab una Tuâ pancreatis paludè, Ler-  
 næb funestiorè lactu, genus in humanum di-  
 duci, atque diffundi secum ansit cogitare.  
 Majoris est apud Me fidei reclusâ Pan-  
 dore Hesiodicâ pyxide, malorum genus  
 omne humanam in sobolem universam  
 euolare.

\* Aliàs Democriti puteum.

47. 48.



<sup>47</sup>                      <sup>48</sup>                      <sup>49</sup>  
 nimis tumidum, durum,  
<sup>50</sup>                      <sup>51</sup>                      <sup>52</sup>                      <sup>53</sup>  
 cinereique coloris. In illô  
<sup>54</sup>                      <sup>55</sup>                      <sup>56</sup>                      <sup>57</sup>  
 dissectô nihil aliud quàm  
<sup>58</sup>  
 candi-

47.48.&49. Ne quis *Scirrhum* illum *naturalém* esse dijudicet.

50. & 51. *Cinerum* vocas, quod brevè *Cremor* erit, n.º scil. 63. Sed Amici mei *Leucophæi* gratiâ culpam Tibi remitto.

52. 53. & 54. Isthæc inconsulta verba quippiam laudum Tuarum de cumulo detraxerunt: Alias enim affirmassent ingenio Te solerti, & callido Marte, atque Strophæ coagulum istud in aspectum, lucemque protulisse: Téque *Thessaliæ* quibusvis prestigiatorè versutiorè pervulgassent. Sed nunc, *fæminæ* loquacitatè Tuâ, laudibus excidisti tantis.

55. & 56. Quas igitur *Novi Orbis* in *Oras* myriades illæ vasorum, ac ipsa *Americani Tui pancreatis lymphæ* revolaverant?

57. & 58. *Cremorem* vel hordei, vel lactis, vel chyli candidum nostris si subjicias oculis, *Colchico* atque *Tartaro Magd* vel  
 falla-







## in caseosam substantiam

in-

foetus illos animi tui *inanimos* deprehendit atque *deformes*, illos id circo flammis devovet quò *deformitas* illorum, & *putor* aboleatur æternùm.

61. & 62. Si aliud à *cremore* nihil est, qui *caseosum in substantiam* induratur? Sed *caseosum cremorem* illum ultrò Tibi largior. Te enim amantem novi, *casei cum cremore*. Nec propterea dixerim *butyrò & caseò* Te *confari* totum. Alias enim *oculi Tui leti* non essent *acetò* tam *acri*; nec *nares Tibi* forent tam *emuncta*. nec scriptor audires *concinnus*, & *ad unguem factus*. Sed *terse licet*, *prudenterque scribas*, altam tamen *doctrinam*, (*no'lito stomachari*) scripta tua, nusquam sapiunt. Nihil enim nisi *mortuorum*, quibus *assiduò studio*, *fis coucolor*, *monimenta versas*, nihilque *super mutos Antiquarios* *sapis*, At ego dum *Vocales & Cathedarios* *quotidianus* *observo*, *Pumilio* *sim licet*, Tu verò *Gigas*, *scientiæ tamen meæ* *horizonta latiore* *consequor*. Tuas enim *cervices*, *decussatis cruribus*, dum *premo*, *Major est mea uti videndi*, ita & *discendi* *conspicienda*. Tuis igitur *humeris* dum *infido*, id Tibi *in aurem infusurrabo*, *talent*

con-



64                      65                      66 67  
 indurata, repertum fuit à

68  
 Nobis.

concretionem, qualem profers, millies me vidisse. Et quia rigenti bubulo Sebo fimilior est omnis, quàm caseo: Mei idcirco Præceptores, quos penes est arbitrium & norma loquendi, nomen illi  $\text{Ἰσθατόμα}$  & indiderunt, ad discrimen tumorum vel melligenum, vel puliaceorum, quos vel  $\text{μελιγενίδας}$ , vel  $\text{ἰσθατόμα}$  nuncupant. Sed cane pejus & angue Tibi caves vocabulis ab istis, ne Græcâ videaris arasse vitula. Rectos idcirco, hic, & ubique, Græcorum, Romanorumque Medicorum Sulcos turpiter detorques.

63. & 64. Talis, id animis ut inculcem, substantia indurata, aliàs arenularum exors est, & tunc simplex est  $\text{στάτωμα}$ ; aliàs verò, scatei arenulis, & tunc est,  $\text{στάτωμα}$  vel topheum, vel calcarium, vel gypsatum, vel petricosum, vel tartareum; Sive brevius, Arzenatum est, vel Cæmentum. Sed tot isthæc verba stupueunt ignavo palato.

A 65. ad 68. Maximopere vereris, ne Laureolam, quam sollicitus in mustaced queris, alius Tibi præripiat. Inventum enim istud Tibi ascribis anxius, sed Tuum uerius non est, quàm ipsa Medicina. Millies enim



atque millies talia & ab aliis visa sunt, *antequam vagires in cunis*. Sed more Tuò, qui *rusticus, & agyrius* est, nec suum flagellum ita quatiunt, nec sua in tantum ostentant. *Callicreas* quippe *Scirrhosum* viderunt non tantum, sed & *purulentum*, atque *gangrenosum*. Et ipsius, [absit *Sciptioni* invidia] *vietum, marcidum & ita contractum* reperi, ejus ut *acini tabuerint omnes, & vasa coaluerint penitus occæcata*, adeò ut ne hiliū quidem *lymphæ* vel filtrarint, vel transfuderint in *Ε'αφουον*, quam errore *cæcò*, atque *gravi*, *intestinum* vocant *tenuè*. *Tenuium* interim omnium & *spississimum*, & *robustissimum* est, tantum abest ut *tenuissimum*, vel *tenuè* *α'Ι' ε'ζοχιν* deprehendatur unquam: *Error* tamen ille *malus*, atque *phanaticus*, *Pancreaticos Doctores & occæcavit, & tranversos abstulit omneis*. Sed è *diverticulò* in *viam*. *Vísne* igitur, *Mi invidè*, tanti *marcoris* ideam: *Consule* *pulmones* *τῶν πυροσπόδων*; vel *amygdalas*, *nucésque* *frangito* *Iuglandes* (si modò *caninos*, *Orationis mee furenti morsu*, *Tibi* nondum *confregeris omneis*,) & *pulpæ locò*, haud ita *insolenter* *inanem* deprehensurus es *pelliculam areniem*, atque *rugosam*.

Quid eliciam ex *Observatione tantâ*, (de qua nec *vola*, nec *vestigium*, ullos extat apud *Scriptores*, quòd *sciens*) hujus loci non est, ut *divulgem*: *Meis enim retribus suffire* nolo, & *idcirco* *Oratione meâ totâ*, *Mea Silvi* *Ob-*  
*serva-*



servat, quò Regia, atque Casarea, pleraque, de tonarem *Exempla*. Imò, ne quidem aliorum nomina *Sarda* vel *Foresti* muliebtiter; vel *Zacuti* mendaciter scribentium, *Surdis* recitare volui. Ad isthæc enim vel *Delphica*, vel *Lusitana* quis auritus?

Si quod autem *Kαλλιγρεας* nomine, forteque mutatis *αγγεγρεας*, enuntiassem, id *pancreatis* exsucco, quod mihi arrogo, *Orationis* meæ succo rigassem; Et eidem *Orationi* alteram *et* meam, sed *Tuo* ita simile, ut *Ovum ovo similis* sit nusquam, inclusissem exemplum.

Verùm, *Asiana* Tuâ, & plusquam *Theriacâ* verboritate valere iussâ, his verbulis *septem*, sesquipedalibus *Tuis* *Octo Sexaginta* longâ *ἰμφολιωτέγης*, usus essem.

SIC<sup>1</sup> VIRILE<sup>2</sup> PAN-  
CREAS<sup>3</sup> GYPSATUM<sup>4</sup>  
SECUI<sup>5</sup> TABIS<sup>6</sup> AU-  
CTOR<sup>7</sup>.

Illis enim *septem* habes 1. copulam huius membri secundi de *pancreate tabifico*. cum ejusdem periodi meæ membrò primò de *pancreate tabido*: Et sexum<sup>2</sup> cum ætate, & partem malè affectam; & morbi<sup>4</sup> speciem, & cadaver sectum, & cadaveris sectorem; & symptoma<sup>6</sup> potissimum, utpote quod unum fuerit *lethiferum*<sup>7</sup>.



Videtis igitur, ô Doctores crudi, sapidi tamen, & ipsô pancreate sapidiore inulsô, ad Vos namque revertor, quid distent ara lupinis, & Lacones Arcadibus? sed forsân nigra vestræ loliginis succô pleni, hoc est, atrâ pancreatis lymphatici lymphâ secûs judicatis quàm Ego; haud siquidem est eadem vesania cunctis. Situm sit ergo in quinque Judicum genibus, an eruditum pulverem attigeritis? Et Rosci jam audiatis? Ego verò Monachô indotior, & nihil nisi per nèbulam videns, album colorem ab atrô nullus distinguam? Judices putem Cassianos, absque præjudiciô, ex cortice de nucleo judicium præceps nequaquam laturos, sed libratis sententiarum ponderibus, Pedarios fore mihi Senatores Græcis, Romanis, & Arabibus assurgenti Medicis; necnon & Neotericorum præstantissimis Scaligeris v. g. Cordano, Fracastori, Vesalio, Fernelio, Gorraeis,

Balle-



Ballonio, Cratoni, Dalechampio,  
 Matthiolo, Hollerio, Mercuria-  
 li, Ballonio, Dureto, Parao, Foë-  
 sio, Laurentio, Riolanis, Hildano,  
 Aquap: Harvao, Vestingio, Pec-  
 quetto, Glissonio, Warthono, Tulpio,  
 Chicotio, Willisio, Menjotio &c.  
 At illi omnes ad unum, apud Vos,  
 non modò despiciatissimi jacent; sed  
 & in illos, ni fustuariò coërciti, apo-  
 lactizatis. Imò, Leonibus istis,  
 mortuis plurimis, (Siculò deteriores  
 Majori Dionysio, qui auream Æ-  
 sculapio barbam detraxit) pilos vel-  
 litis; quod ignavi, & illiberalis  
 pectoris esse, palatique torpentis,  
 atque judicii detorti, exasciatò suò  
 atque repunicatò Vestrum in A-  
 pollinem commentò Janus evincit  
 Leonicens.

Sed Vos insubidos Bœotos tam  
 Surdò decet esse palatò; similes enim  
 habent labra lactucas. Quid siquidem  
 appositius, quàm Vos glandulosos,  
 Cererè neglectâ, glandibus vesci &



insulsâ *Libellorum* farraginê pasci de  
*generatione*, de *placentiâ*, de *nutritio-*  
*ne*, de *pancreate*, de *ventriculi quere-*  
*lis*, de *alkali & acidô*, de *respiratione*,  
 de *Spiritibus &c.*

O *pectora sine pectore*, ipsôque,  
 (ad *clitellas*) *Areadicô* germine na-  
 ta, & vel *stramentis* digniora quàm  
*aurô*; vel *tribulis* quàm *ambrosiâ*!  
 O *Viros* tali pabulô *lucernâ* pingui-  
 res! O *Viros* *mandragorâ*, *strych-*  
*nôque* saturos; sed *nasturtii* egentes,  
 & *ellebori*! O *Viros* *Βεκκεσελώςς*,  
 & *cerebrô* *vacuos*, *ranâ* tamen *gyri-*  
*nâ* *sapientiores*! O *judicium* de *scri-*  
*ptoribus* *acre*, sed *capite* *retrogra-*  
*dô* *dignum*, atque *Panidis* ac *Mide*  
*suffragio* compar. Arbitratû *nihi-*  
*lofecius* *Vestrô*, O *Viri*, non so-  
 lum *auribus*, & *mente cæci*; sed &  
*mali commatis*, & *malè feriat*,  
*Scribentibus doctis*, *indoctis*que *Medica*  
*passim*, *ludiones* atque *pantomimi*,  
 (*Vestris* in *Comœdiis*, quas ipsi,  
*Præfidê* *Vobis Comô*, *vicatim* *agitis*)  
 in



in *Orchestra*, *Scenamque* descendunt ad *myriadas*, & *gloria coronam* fumunt, *septem* stantibus *ingloriis* post *liparia doctis*. Numerus enim *stultorum*, & *idiotarum* immanis est, & numerum nescit, ipsis interim *præmia datis honorum amplissima*: At *sapientum*, *doctorumque* numerus *rarus est*, nec *calculis eger*; *calculis idcirco reprobatis Vestris*, (qui nulli sunt,) *numerò nullò à Vobis habetur*.

O *dura & acerba ævi nostri fata* sed *æquò interim animò ferenda*: Quid enim aliud à *Viris Sphæra* tam *exiguæ*, & *judicii tam obliqui sperare* est? *Nullò itaque Mei radiò & graviera passus*, Vos *quotidianus observo*, *scenicum intra Vestrum*, *Magicumque circulum*, *glandulâ ab unâ in alteram defultores*. *Magorum enim morè*, *Vobis circulus est*, *sunt certis denique fines*, *ultra quos Vestrum nequit detortum consistere judicium*. *Vobis namque*, *vel latum unguem à*

PAN.



pancreate, & à conariò recedentibus,  
Terebinthò stultiores estis. Imò, ge-  
nuinas glandulas illas è Librò Natura  
vel recèns, vel olim eructas, Vestro si  
tergitis palato, illud penitus exsur-  
dant, uti & hæc ipsa periodus vestras  
& aures exsurdant.

Vultis metaphoram aliam, va-  
rietat enim delectat & iuvat. Illæ  
Glandulæ binæ, Πάγκρεας &  
Κωναειόν, Herculeæ Vobis co-  
lumnæ sunt Calpe & Abyla, NE  
PLUS ULTRA,

Vel aliter adhuc, Pancreas Ve-  
strum, mihi nuper Pandoræ Hesio-  
dicâ pyxidê verior malorum fons  
omnium, Vobis Cynosura gratior est,  
(morbificos fluctus ad omnes, quibus  
procellosi jactamur,) Flavionis pyxidê  
Nauticâ, ineuntis seculi quarti deci-  
mi. Glandula verò Pini, Vobis,  
fluctuosum idem arantibus æquor, So-  
strati Cnidii Pharos est: Ex illâ si-  
quidem, gloriabundæ Praxeos Ve-  
stræ



Astræ palmas decerpitis, quas *lemniscatas* duris *Capitonibus* Nobis nusquam; Vobis autem amicissimis *Verticibus*  $\phi\omicron\zeta\omicron\iota\varsigma$  frequentes imponitis: Isthæcque τὰ φίλτατα κἀγαθὰ, per tonstrinas, per popinas, pèrque Vestra κυκλοφορικὰ *Bacchi*, & *Veneris* *Encænia*, organis ubi litatur, graphice depictis nullis, sed *animatis*, jactanter circumfertis. Vestri interim *Tympanotribæ* suis pulsibus illos in cœlum evehunt, quò *Lunæ* apud *Incolas* *digitò* *monstrentur*, & *celebrentur* æternum.

Nos interea *nati infelicibus Astris*, quisque suos patimur *Manes*; dum enim Vos *cornicè loquaciores*, *annosarum cornicum* oculos vestrâ  $\tau\omicron\sigma\upsilon\tau\omicron\lambda\omicron\gamma\iota\alpha$  configere studetis; *Vestrisque* *tartareis* *offuciis* *fidus Ductores* illos *obscurate* *connitiuini*; *Vestris* & *proscindimur* *dicteris*; quotquot

scili-



scilicet, *triticeis* in *Vetarum agris* *lolia* *Vobiscum* non serimus.

Sic meherclè invidiosa hæcce *Mea* & *Oratio* & *Appendix* vestrò confoderetur *obelisco*, is ni foret *pistillo* *retusior*. Et cùm aliundè *Vobis* *singulis*, rerum omnium sit *curta supellex*, *Vobis* & *gladius* brevior est, (& aliundè *plumbeus*) *Mecum* ut aliter quàm *Umbratiles* sitis *digladiaturi*; uti *Vos* & istud *Doctores* decet *Umbraticos*. *Vos* qui-  
*Vos* quidem *Zoilos*, & *Aristarchos* vocito, nihil tamen minùs estis. Illi quippe *Gigantes* sunt, & *Atlantes*, *Viros* inter *Literatos*; At si quis *Vos* cum *ipsis* componat, tot *Nani*, tot *Pumiliones*, tot *Pygmaei*, tot *Myrmidones* estis, qui *Vestris*, è *Pharo*, fanaticis *thyrsis* pollices illorum vix metiremini. Neminem enim *Vestrum* parem novi, vel uni *Orationis* periodo suis complendæ numeris: Quicquid namque *graphis* scribitis, id omne *graphicum* est; sive aliter,

pecca-



peccatis scatet enormibus & in Grammaticam, & in Rhetoricam, & in Logicam, & quod vitiorum omnium fœx est, ipsam in Artem, quàm unicè profitemini. Sed id rursus, Vos Doctores decet *umbraticolas*, & *graphicos*, seu *ad unguem factos*, quique plus *saginæ*, quàm *animo* tribuitis. Si quid ergo bonæ frugis Vobis Exscriptoribus excidit, id à Martè Vestrò penitè alienum est, totùmque *Cen-tonibus* ascribendum venit, quos tam *pinguè* contexitis *Minervâ*, Vestræ ruditatis peritos ut pudeat. Credite mihi, vultis *sapidi* Scriptores audire, *initium* discite *sapientiæ*, *timorem Dei*; *Ipsam* deinceps discite *sapere*, nam *Scribendi rectè*, *SAPERE est & principium & fons*. Criminosis porrò vultis fidem dictis, excussam à *Me Callicreatis* historiam intimiùs scrutari si nec *damno*, nec *probrio duxeritis*, nullam in eâ vel *salis micam* estis deprehensuri; Interim illa nullius est

D

Vestri



Vestri vel lixæ, vel semilixæ; Sed unius Vestris è Primipilis. Verùm, *nemo dat, quod non habet.* Quî igitur *insulsus* sua conditurus est? Id tamen oportuit, nam *rerum inops, canoras* debuiſſet Nobis occinisse *nugas*. Est tamen quòd *gaudeatis in sinû*, *nugas* illas ab *insulsô* Vestrô tam *insulas*, Arcadicis auriculis usque adeò acceptas esse, passim *venales* ut protestent. Immo, leproſæ Vestræ Medicinæ Candidati, *alium*, Vestris à *nugis*, atque *fabulis*, *Heliconem* non agnoscunt, sed totis in illum animis feruntur gregatim: Et exinde, aliò nusquam deflectunt, quàm vicinum ad *Ἰπποκλέειον*, Vobis aliàs *τῶν τῶν παυκλέειον* & *παυκλέειον*, cujus aquis & *labra* si profuunt *caballina*, & *theses* si rigant *mimicas*, *clariores* à Vobis ipſô *Clariô* perhibentur.

Sed fidelis Phœbeius Augur, mihi dixit in aurem, nec ipsam

παυκ-



παρυγλώλω; nec ipsos fontē pro-  
lutos; nec rivulos ab eō deductos;  
nec arva eōdem irrigua, ætatem la-  
tura.

Nunc quidem, fateor, *lymphati-*  
*cam* *scriptionem* illam *novitas* *com-*  
*mendat*, quæ plures & fascinat, &  
*lymphatos* *abripit*: Sed brevî, *novitatis*  
*amissâ* *gratiâ*, putidissima fiet, nullâ  
quippe vel rerum, vel styli ubertatē  
conciſâ vel *Hippocrateâ*, vel *Thucy-*  
*dideâ*, æternitati consecratur; Ve-  
rùm, *Annalibus* *Volusi*, & *chartâ* *caca-*  
*tâ* vilior est omnis.

Nihil autem est miri Candidatos  
judiciō non dum subactō, & in tur-  
pissimâ *Literarum*, & *Artis* *sux*,  
versantes ignorantia vel *Morsimi* *ver-*  
*sus* *suas* ad *Theses* *Inaugurales* *exscri-*  
*bere*. Sed deflere est profectō *Lite-*  
*ras* & *Medicinam* ita intercidiſſe, nec  
ullam illarum, [ab Eruditissimi Col-  
legæ Mei, *Literatoris* *summi*, *Theo-*  
*dori* *Ryckii*, *Orationē* *votivâ* atque  
D 2 baria-



hortativā] sperandam esse, Medicam  
 salutem, παλιμδυνεσίαν, quamdiu  
 spurcissimis ex illis Artis Medicæ  
 lacunis; non verò limpidissimis è  
 Græcorum atque Romanorum fon-  
 tibus hausturi sunt. Apud istos quip-  
 pe lacunosos, squalentes, atque foeti-  
 dos, Artem suam nullam, sed Psitta-  
 corum duntaxat inconcinnam &  
 agrestem Βαττολογίαὺν condiscunt.  
 Fonteis autem nobiles si viderent,  
 illimes illos essent, atque largiter Me-  
 dicatos, deprehensuri; & ex illis vi-  
 vacibus, atque largifluis, præter Ar-  
 tis suæ saluberrima præcepta. lepōrum  
 etiam affatim haurirent, quibus ani-  
 mos & nubilos serenarent, & demis-  
 sos erigerent, & marcidos lactarent,  
 & avidos explerent, & segnes pro-  
 vocarent, & trepidos confirmarent,  
 & altos deprimerent, & minaces  
 frangerent, & infestos conciliarent,  
 & alienatos reducerent, & suspicaces  
 perstringerent, & commotos tran-  
 quil-



quillarent, & petulcos comprimere-  
rent, & acerbos lenirent, & agrestes  
excolerent, & refractarios flecte-  
rent, & feroces cicurarent, & ferreos  
mollirent, unô denique verbô, motus  
animorum tenerent in suâ potestate,  
pravos scilicet emendarent, & contu-  
macissimos ipsos versarent in omnes  
partes, atque sic morosissimos Ægro-  
tantes illos *ἰδιογνώμονας καὶ ἰσχυ-  
ρογνώμονας* ad salubre consilium am-  
plectendum, quod *pervicaces* renuunt  
*sæpiùs*, impellerent.

Sed *rudibus* illis, atque *loquacibus*,  
Juvenculis, qui *Minervæ docendæ pa-  
res sese fingunt*, id unum animitus  
exopto, ut, *vel Senes*, ad tantum  
scientiæ culmen perveniant, ad  
quantum sese Doctoratû pervenisse  
sibi blandiuntur.

Verùm, *suas ad glandulas*, quas in  
deliciis habent, *ceu Sirenûm ad Sco-  
pulos*, obstinatorî & obfirmatorî  
*consenescere malunt* animi sententiâ,



quam, feris ab annis usû veniente, ab adamatâ diduci Chimæra. Isti quippe Narcissi, rivalè nullô, uruntur amorè suî, & quam vel veritatis umbram, vel imaginem suî semel viderunt, pertinaces illam consecretantur. Imò, Metaphoram in ipsos aliò si detorserim, isti *Αὐθαδέες* sibi non modò *canunt*, sed & læti vacuò sefores in theatrò, sibi plaudunt; nec ullô vellent expellum Elleborò morbum. Is enim mentis gratissimus error illos ita permulcet, *Medicis* ut *Principibus*, & ipsò *Eloquentiæ Regè*, in rerum Reginâ Româ, majores sese prædicent: *Æsculapio* propterea nulli, vel *Epidaurio*, vel *Romano*; nullisve & *Musis Atticis* & *Mercurialibus* *Gratis* sacra facere dignantur; Sed *pulmonei* atque stolidè *tumentes* sese jam illis abundanter *litasse* superbiunt: Hominum interim nemo, *nequidem delirus*, sibi finget uspiam vel *Artis Apollinæ* facultatem ullam  
 penes



penes ipsos esse; vel *Sadelam* super  
 ipsorum labiis habitare; Atque adeò  
 nec mentes illorum ulla trepidatio  
 subit *fulminei Jovis*, ob alterum à se  
*Hippolytum* à mortuis excitatum: nec  
 aliunde vereri est *Mortalium* ipsos  
 fore *catenas*, à Diis in terram demis-  
 sas, quibus sibi nostros illigent ani-  
 mos. Sed hâc in re, suis consultum  
 rebus autumabant; invicem quippe  
 sibi gratulabuntur Nos ad sese nus-  
 quam alligari: Satius enim ducunt  
 sui juris, & suæ spontis esse, quò huc  
 & illuc, *Nos citra*, liberiùs cursitent,  
 & quosvis in Arte *medendi*, *dicendi-*  
*que* claros caninâ allatrent invidiâ.  
 Ipsorum interea parcerem invidiæ  
*acres* si forent *venatici*; sed *Molossici*  
 sunt *parasiti*, offâ qui Venalem ani-  
 mam habent, & cujus gratiâ præter  
 irrisum, dicteria & colaphos, cine-  
 reas etiam ollas sibi in caput confrin-  
 gi paterentur. Nullus tamen vellem  
 capita tam lepida confringi. Quòd



si rixosi duntaxat forent, abundè ipsis  
 esset aures gestare laceras; Sed quia  
*mordaces* sunt, & nemo Nostrum,  
*Hircanà* *vesanià*, censet optimam se-  
 se consecuturum sepulturam canibus  
 si laniatur, consultius Nobis erit,  
 ipsos & invitos & ringentes ad *cate-*  
*narios* reducere: Verum, nobile pro-  
 pter genus è *Molossia*, *Torque* deco-  
 rentur *majori*, & *trabalibus* innocui  
 latrent *Torquati clavis*. Tantos ho-  
 nores, tantumque *Torquati* cogno-  
 men, non equidem invidebo, mira-  
 bor magis. Vos interim audio mus-  
 sitantes, O Glandulosi! *Torquibus*  
 illis Vestros vel fidiore servos atque  
 vertagos arcèri venatù, quò, Viros  
*probos* atque *doctos*, spiritù Vobiscum  
 unò, & prosequerentur & dilania-  
 rent; ac proin, Vos malle tantos Vo-  
 bis indivulsos adjungi Candidatos,  
 quò noxam noceatis & *Bonis* & *Erudi-*  
*ditis* communem. Id igitur testibus  
 auritis à decem accepi, Vos vafros  
 atque



atque technicos restiones, technam  
 atque restim excogitasse, *quod datur*  
*nequior nulla*; internecionem scilicet  
 in *Græciam*, atque *Latium*, estis ma-  
 chinati: Vultis enim *vulpecularum*  
*adinstar* resti ad caudam constringi,  
*intermediâ piguni ardentē faculâ*, quò  
 segetes *Asianas*, atque *Romanas*, Li-  
 teras nimirum *Græcas* atque *Latinas*,  
 Vestris feralibus tædis incendatis.  
 Vos siquidem ad noxam *Literis &*  
*Literatoribus* inferendam *cerâ jam*  
*cohærere eâdem* nemo non novit;  
*indoctis* quippe *nihil est iniquius*.

Vestram insuper testor conscien-  
 tiam, an non animos geratis feriis  
 omnibus à studiis alienissimos &  
 Ἰπποκρατείοις καὶ χρυσοσόμοις  
 infensissimos? An ulla consulatis un-  
 quam Veterum Oracula, nisi fortè  
*Delphicum* Vestrû, quod Vobis omni  
 exceptionê majus est: Sed dolosum  
 illud & fallax jam pridem deprehen-  
 sum, atq; *carbonê Leoniceni notatum*.

Del-



*Delphicos* autem *Tripodas* ubi confuluistis, ad *Druidas* quandoque, & ad *Faunos* aditis. Ego verò, qui *Faunos* & *ludibriosos*, & *fatuos* jam olim comperi, illos omnes missos facio. Ad illos saltem *Sylvestres*, atque *Sylvanos*, ceu *fatuellos*, dictisque *fatuis* ludificantes, *haud secus ac Ulysses adversus Sirenâum cantilenas*, aures mihi obliuo cerâ, quò syncerior ab ipsis deflectam, aurê nullâ ipsorum *ludibriis* fascinatâ; atque ita sensibus integris memet *sapientissimos* ad *Scriptores* referam, quorum numero *Vestrum* nemo ascribendus veniet unquam, nisi vel *Æthiopes* fuscèdinem, vel *Leopardi* maculas deposueritis.

Sed *pilum* *lupos* mutare, non verò *mentem*, certò nostris; Nihil itaque *sanioris mentis* sperare à Vobis est; *Vulpes* enim *semper vulpes*; uti *Simia* *semper Simia*, & quam *salivam* *Vestris* cum *Faunis*, *ludificabilem* atque *ludi-*

*crant*



*eram* imbibistis, ad ultimam & *Ve-*  
*stri Pancreatici* guttulam *succi*; &  
*turbinatae motionem glandulae Vestrae*  
 conservaturi estis. Sed *σαρκασμὸς*  
 faltem illos, atque *ridus*, cordis *Ve-*  
*stri ringentis* indices, tenuisse oportuit,  
 Vester ubi Rector publicè nu-  
 per Oraban. Verùm, redundantia  
 cordis *scurrilè dicacitatè ora* *Vestra*  
*idcirco diduxit*, quòd necdum, *Libi-*  
*tinae trophaeis annumerer*; nec Vobis  
 fuerit integrum *Me de suggestu*, unà  
 cum *clepsammate meo deturbare*;  
 Id enim Vobis usque adeò *grave* fuit  
 & *onerosum* ut millies intra horam;  
*Danaidum deliò rimosius* illud volu-  
 eritis. Magnatum porrò præsens au-  
 ctoritas, Meique Rectoris καὶ τε  
 μεγαλοτρέπεια, καὶ μεγαλοψυχία  
 Vos μικροτρέπεις τε καὶ μικρο-  
 ψύχως à propudioso facinorè de-  
 terruit. Sicut enim *illiberales*, ita &  
*pusillanimes* estis, quod Vos profectò  
 decet



decet Viros *Servos*, atque *Cervinos*,  
 sanguinè carentes, & *ad frendium*  
*crepitus leporè meticulosiores.*

Vestram interea multiplicem Mi-  
 remini *Metamorphosin*: Vix enim  
 ullum est animal cujus vitia medulli-  
 tus non imbiberitis: fuistis modò  
*vertagi, molossique*; modò *leopardi*;  
 modò *lupi*; modò *vulpes*; modò *si-*  
*miae*; modò *cervi*, modò *lepores.*  
 Haftenus ergo nihil inter Vos atque  
 inter quadrupedes interest. Sed quia  
 Jupiter Vos in deliciis habet, *me-*  
*liorè* fortè Vos judicat condignos.  
 Nulli igitur vereamini in Cypriorum  
 à Veneris Dominatû deficientium,  
 incurrere fata; (*illius siquidem Deæ sa-*  
*cra colitis, & Nostros duntaxat in San-*  
*ctioris Medicinæ Parentes rebellatis.*)  
 Jupiter namque feret nequaquam  
*grandia Vestra in torvos transformari*  
*membra juvencos*; Sic enim & fœ-  
 num in cornû gereretis, & *Quadru-*  
*pedantè putrem sonitû quateritis*  
 ungu-



*ungulâ fontem, Caballinum scilicet Vestrum p. 195. & 210 putidissimum. At Vester Juvans Pater, Vos, hisce terremis affixos, in cœlum rapere decrevit. Nullus itaque Vestram rursus rusticam turbam percellat metus Lyciorum infortunii, suæ rusticitatis ergò, conversorum in Ranas: pulsò tamen pudorè, turpes litibus exercetis linguas, & Vestra in Me dilatant patulos convicia rictus, ac limosò insuper salitis in gurgitè pancreatici succi, & aliud denique nihil, quàm glandulas coaxatis.*

Sed sic Vobis necdum, ex Jovis decretò, crassum hunc aëra Vestrò liceret perumpere volatû. Quid ergo de Vobis fiet? An è quadrupedibus quadruplatores, & quadruplatoribus Aescalaphi pœnam Proserpina Vobis est inflictura, & Sparsò capitè Phlegethontide lymphâ, Vos In restum, & plumas, & grandia lumina vertet, ut Vestrûm quisque,

E fœda



*faeda fiat volucris venturi nuncia  
luctus,*

*Inanus Bubo, dirum mortalibus  
onem.*

Sed quanquam humano generi male  
fitis *ominosi*, & Vester ad Ægros in-  
gressus, nihil nisi luctus & funera  
spargat, *Metamorphosis* tamen, Vo-  
bis dignam, nondum estis nacti. An  
igitur ob Apollinis Sacre, quæ pro-  
fanatis, ab ipsô, (*non autem à Bacchô  
intimæ Vobis admissionis,*) Mineidum  
punitiônê, *Orgia Bacchi contemnen-  
tium*, in aves transmutandi venitis,  
quæ *Scro* trabunt à *Vesperè* nomen?  
Verùm, morè licèt illarum largam  
& honoratam (*Hippocratis*) lucem &  
refugiatis, & floccipendatis, Vobis  
tamen *tenebrionibus* *Metamorphosis*  
congruit nondum. Væ Tibi, *Dre-  
lincurti*, quid gaudia nostra moraris?  
Nostra siquidem univèrsa glandulo-  
forum turba sese publicam in lætitiã  
jampridem effundere gessit, illius  
ergò





ergo spei, quâ Nos ipse fovisti, de  
 Jovis consiliò Nosmetipsos in *cælum*  
*rapturi*. An igitur, cum tot moras  
 Nobis injeceris totque Nos amba-  
 gibus suspensos, & incertos tenueris  
 obscurâ spe, & cæcâ expectatione  
 pendentes; Et cum aliundè *multi-*  
*formes* Nobis *Deorum* in criminosos  
*animadversiones* narraveris, quibus  
 hominum expulsâ formâ in fœdum  
 genus alitum conversi sunt, metus  
 aliqualis nostros jam subit animos,  
 ne tuæ captiosæ sint ambages illæ  
 quibus Nos innectis; nève tam *levis*  
 sit Tibi *mens* in Nos, *homines* nus-  
 quam *levos*, ut sinistrè de Nobis sen-  
 tias *Jovem* quidem Nos in *cælum*, id  
 est, *viam* in *atheream*; *sed athereâ* ved  
 nusquam in *Astra* sublaturum. Id ta-  
 men ex æquò fieri oportuit Nobis  
*Orioni* comparibus; *Trium* quidem  
*Deorum* *urindâ* prognati non sumus;  
 id enim *optasse mortale non est*; *sed*  
*Triumviralis Humor*, jam olim *Menses*



ante decem non ab incelebri Hyreò,  
 sed ab inclytò Vassèò altè † defossus  
 genti nostræ cunabula dedit; ferarum  
 deinceps genus omne, præcordia exe-  
 dens humana, Artè domamus Cen-  
 tauri Cheronis: Dianæ tandem, vel ipsi  
 Pudicitie, si stuprum inferendum est,  
 nequidem ruber hortorum Deus & tu-  
 tela Priapus, nostris ab Hellespontia-  
 cis & aculeis & cæstrò tutetur. Con-  
 sequens est ergo ut Meriti præmia ha-  
 beamus, & Nos addat Latona niten-  
 tibus Astris. Quòd si Nos integræ  
 tentatores Dianæ, vel virginea sagitta  
 domat, vel Scorpiones enecant, non est.  
 quòd ingentes curarum volvamus pe-  
 ctore fluctus, Nobis enim Amicior  
 Liber est, quàm ut Nos curis illis con-  
 festim non liberet, & quemque No-  
 strum cælo non immittat, subitòsque  
 non

† Et tam altè profectò ut sit resurrectu-  
 rus nunquam; Atque adeò ironica est se-  
 quela, is enim Ludovicus Le Vasseur \* Gen-  
 tis Nostræ jugula ferivit.



non vertat in ignes, ut perenni sidere  
 clari simus, Ariadnês gemmarum ad-  
 instar; Illâ quippe, *Theseis* nostris,  
 sumus consiliô potiores, ut ex *Orci*  
*faucibus*, famelicô taurô biformi vo-  
 racioribus, sese proripiant. Sed quia  
*Meritis* suus non semper constat ho-  
 nos, & Tu *Drelincurti*, qui Noster  
 cum *Jovê*, *Nobis benevolô* internun-  
 cius es; Nobis nihilofecius inimicos  
 videris gerere vultus, novus nunc  
 corda nostra percellit metus, ne dum  
 toties ceu *garrulos*, atque *superbos*  
 apud *Jovem*, ejûsque *filiis* Nos tra-  
 ducis, sortem experiamur probro-  
 fam, & qui nunc *Vulgi* sumus *laudes*  
*indocti* quod *vandâ dulcedinê* glandu-  
 larum fallere non desinimus, vertamur  
 in *nemorum convicia Picas*.

Et reverâ, nisi nostris & assenta-  
 tiunculis, & detrectationê alienæ  
 scientiæ rudis *Vulgi* famam aucupa-  
 remur, (quia *Nobis* volupe est per ejus  
 ora volitare, non verò, à laudatis lau-  
 dari.)



dari,) talem Metamorphosin candidi & recto pectorē, *novum sororum, Nobis* nusquam, uti Pieridibus iratarum, sed *benevolarum*, luculentum *testimonium* esse profiteremur. Nos enim, absit gloriatio dictis, conformationē tantā condignos reputamus. A Nobis namque alienum est nihil, quod *Musas* ab illā mentē, atque consiliō deducat. Jam etenim *cælum digitō attingimus*, & quia *bombyces* sumus *angulares*, & *Viri bombylii*, qui *projicimus ampullas*, *vendibilibus glandulis* Nostris totus jam resonat æther, & *suspensā hederā* nihil ipsis opus, gravem enim ad illarum, (*ubique nunc fœtentium*), odorem convolant undique Corvi.

Nostram igitur καὶ τε παγκρατορίαν, καὶ τε πανταρχίαν glandulosos in omnes \*, *Musæ* suō si æstimant

\* Hæc enim *Insignioribus* inscribuntur, qui *vilioribus* imperitant.



mant pretiô, & nostram subinde æquâ lancê si perpendunt *Αὐθαδέϊαν* quâ vel ipsas provocaremus; *Priscam* deinceps *facundiam*, quâ bullatæ turgescunt paginæ Nostræ; *Raucam* insuper *famam*, garrulitate nullâ vitiatam, sed quâ *Codri Theseida* vincimus; *Studium* \* tandem *immane loquendi*, quod & *Archytæ crepitaculô*, & *Arabica tibiâ*, & ærê *Dodonæô* reboat altiùs. Vocis etenim canoræ nostræ sonus tam altum intonuit, *Piniferam* ut *Idam*, tellurémque *Ponticam* unâ cum *Cybelê*, cui *Pinus* est sacra; imò, cum *Sulvarum omnium Numinibus*, ipsis *Faunis* scilicet atque *Sylvanis*, percusserit atque concusserit. Et *factis* illis tam altè *famam extendimus*, passim jam ut celebremur *cicadis*, ac *turturé*, loquacio-

res;

\* Hic idem sonat ac *exercitium*. Sic *Oratores* ipsi passim, *versari in studio*; *mori in studio*; *Omittere studia*; *referre se ad studia*.



res; quicquid namque Nobis, è *vocibus quas imitamur*, venit in buccam, id ipsum, *vinum citra temulenti*, eloquimur; atque adeó *Cornicari Nobis* nusquam incumbit, *Nostrum omnium & singulorum meritò MUSARUM AVES ut audiamus.*

Sed amabo, *animum advortite quæ loquimini*, ne Vestri malus amor Vos abripiat transversos. Hactenus enim *Jovis* renunciatus Ego, Numinis quidem consilium universè Vobis aperui, de *Vestrò in cælum raptû*; Et meum Sermonem illum Vobis ludificabilem esse, *ut estis nasuti*, jam pridem subolfecistis; Estis namque odorati *Me* nec *Sidereum*, nec *Empyrium*, sed *Expansum* illud, quod alites pervolicant, *intelligere*. Vobis igitur clarè atque distinctè renunciaturus sum, nullâ nullum, *ter novies, ambagè verborum obscurum carmen Magicò demurmurans orè*, statutum esse atque decretum à *Jovè* Vos hi-  
sce



sceterrenis affixos in *Volucres* esse  
vertendos, & in *Avicularum cœlum*  
evehendos. Sed etsi gloriati modò  
fitis *cœlum* Vos attigisse digitò, rem  
tamen *ipsam* Vestrum nemo tetigit  
acù.

Quid ergo tandem, post tot ludi-  
ficationes, de Nobis fiet? Avetis  
scire, quantum perspicio, admodum  
anxii atque solliciti. Nolim igitur  
vel *animos* expectationè, vel Vos ad-  
uncò nasò suspendere. En itaque  
Vestram à *Iovè* sententiam, *Persa-*  
*rum & Medorum decretis* firmiorem,  
sancitum scilicet esse, & apud Supe-  
ros ratum, Vos omnes & singulos,  
qui *Drelincurtium* conviciis urlistis,  
atque adeò, qui glandulosis Docto-  
ribus *exitium cacastis*, TURDORUM  
naturam induturos.

Et quamvis Voluntas Superùm  
summa, summum sit Jus, nec eorum  
sit ullius consilii sui rationem dare,  
lubens tamen tantæ sententiæ ratio-  
nem



nem subjiciam, quò Vobis planum fiat, *modò & ratione omnia facta.*

Quid enim primùm, Vos decet magis, quàm *Turdos* esse. *Tarditatem* ingenii nihil culpo; culpent alii; sed Vestram in morbis *cunctationem* quis ferat? *Occasiones* enim, *curationum animæ* sunt: At ubi præcepta est illa, ac etiam calva, cessatores interim estis, & *cunctando perditis agrum.* In Arte siquidem Nostrâ sicut in *Bellô bis peccare non licet* nam *procrastinatio*, quæ aliis Artibus simpliciter est *damnosa*, urgentissimis *Agrorum* in rebus est *peremptoria.* Vos igitur vel *Lentulos* priùs; vel *Fabii Maximi filios*, natû maiores & *Tardos*, meritò Jupiter permutavit in *TURDOS.*

Est, quod dictis & factis pondus addam. *Ingeniò* non solùm *tardos*, sed & *auribus*, *Turdis tardiores*, ac *surdiores* Vos Jupiter vidit. Vestris enim agris, *effreni lingua*, non solùm



lùm *Morbus alter* estis, sed & in  
compitis, ac comessationibus usque  
adeó loquaces, ut nusquam auscul-  
tetis quid vicissim alii dicant. Vos  
igitur *loquacissimos*, *απερμολόγους*  
*τε καὶ τῆς κίχλης κωφότερους*,  
*veros* in *turdos* transformavit Ju-  
piter.

Plura vultis? *Turdi* non unicè  
*Tardi* atque *surdi*, sed & *bardi* sunt,  
ac retibus subdolis faciles irretiun-  
tur; Sic Vos, Magistelli pellacis  
aucupiò decepti, crassorum morè  
*turdorum deciditis in casses præda pe-  
tita suos*. Ejus itaque aucupiò, &  
quidem auribus Vestris nusquam  
factò, (*nam uti Surdi estis, ita & ille  
Verborum est aucupiò*) nullò quoniam  
estis pellecti, Vos idcirco *Surdos* &  
*pellaci ab cantu aucupè* nusquam de-  
ceptos, sed *oculis captos in turdos* Ju-  
piter immutavit.

Vos deinceps ex *Turdorum naturâ*  
*Jupiter si fingit*, en Vos ad ipsorum  
natu-



*naturam* unicè Viventes, primum enim, non nisi *lumbricis*, muscisque victitant. Sic Vos *plumosi*, & *chartacei* Doctores nihil nisi *insecta*, & vilissima quæque *Schidia*, atque *Schedia*, hoc est *libellos famosos*, & *nenias neniærum*, ac *Æoli* demum, *Erebique Schedulas* avidissimi voratis.

Vestras autem *plumas*, atque *plumofam indolam* antequam haberem perspectas, Vos & *Lauri*, atque *Lentisci baccas* deligere mihi finxeram. Quî enim aliter mihi in animum induxisset, *ipsas Musarum Aves* vel in *Laureta* non volitare, vel in *vireta Lentiscifera* non devolare, vel in ipsum *Parnassum* non evolare. Sed, *uti nunc certè scio*, tantos non audetis *tentare volatus*, nec *præpetibus pennis* tantum *Æthera* secare; Verùm, *latebrarum, foraminum, & cavorum* estis amantes, quò *Vestra exinde proliciatis Insecta*. Unicè igitur



igitur apud Me estis in posterum  
 audituri *Insectivori*, nec Vos uspiam  
 vocitaturus sum Ὁ ψοφάγος, si quid  
 enim aliud ab insectis rostro legitis,  
*glandes sunt Stercorea*, atque sic gra-  
 ves etiam estis καί τε βαλανηφά-  
 γοι, καί τε σκαλοφάγοι; Vobis id-  
 circo plaudo *Aesculapii* gravi con-  
 decoratis *Epitheto*.

Aliàs profectò, *missis illis Sterco-*  
*rosis*, ad Vos nunc *Turdos τὸ κικλίξεν*  
 perinde attinet, ac ad Vos eosdem,  
 unguilà nuper *solidos τὸ λακτίζειν*  
 attinebat. Quid Vos itaque, veras  
 jam *Κίχλας*, ab illò absterreat  
*κικλισμῶ* haud fatis perspicio?  
 Athenis quippe nulli vivitis, stri-  
 ctior ubi disciplina τὸ κικλίξεν  
 κωλύει, hoc est, *gula vetat indul-*  
*gere lautiori*. Sed mihi exciderat,  
 Vestram ante *Metamorphosin* pala-  
 to Vos fuisse *Surdo* & ad *Sybariticas*  
*Mensas*, & ad *ciborum mangonia*, vel

F ex



ex *Archestrati* regulis, vel ex *Apicii* palatō *Φαρμακόμενα*: Atque ad-  
eō Mens illa me subiit, *pristinam*  
Vos penitus nondum *exuisse natu-*  
*ram*.

Verūm, quō feror, qui τὸ κικλί-  
ξεν Vobis detraham? Me dicti pœ-  
nitet ac pudet, ac vocem, reverti li-  
cēt nesciam, revocabo ac remandam.  
Vos siquidem comperi novissimē  
καί τε κικλίζοντας καί τε ἀτάκτως  
γελῶντας *intempestivè ac immodestè*  
*ridentes*, & cachinnō distortos ac  
odiosos, seria dum habebatur Ora-  
tio, quæ Vos trudebat in tumultum.  
At, Vos decuit *Insectivoros*, ad mea  
dicta stupuisse, & decocti pudoris  
histriones atque scurras esse palam.

En Vos itaque *Turdorum* con-  
victores, ac etiam cum ipsis ἀει-  
λικλίζοντες; Sed *Sybaritici* tamen  
*comedones* nusquam, atque ad eō  
μηδέποτε κικλίζοντες.

En



En & alia Vestra cum *turdis in-*  
*dolet*. Inquilini atque *feri* vivaces ;  
 advenæ atque *domestici* morbidi sunt,  
 nec ullò *Turdariò* aut *cicurantur*, aut  
 sanescunt. Sic Vos, *in arborum* qui-  
 dem *cacuminibus* *turdorum* morè ne-  
 quaquam foti & exclusi, sed *in na-*  
*viis sentinis* nati & educati, aëris  
 estis impatientis cum *Politici*, tum  
 imprimis *Aulici*: Et id *feros* Vestros  
*in navibus natales* sapit. Prudentes  
 idcirco vel *Vestrâ* jacētis in *sentinâ*,  
 vel *Vestris cæspitibus* incubatis, aurâ  
 cœli gratiosi nullâ vel afflati, vel un-  
 quam afflandi. Et nisi Vos *Turdos*  
 esse compertum haberem, *cochleas*,  
 (*quarum vitam vivitis, domi semper*  
*latitantes,*) Vos esse putarem: Sed  
 quia *Turdorem* estis induiti naturâ, de  
*Pinnu Volatis Arcadica* in *Bœoticam*; &  
 de *Bœoticâ* in *Arcadicam*: Strictior et-  
 enim *Sinus* est *Corinthiacus*, qui *Bœo-*  
*tiam* ab *Arcadiâ* determinat, quàm ut  
 cœli Vestri temperiem variet ullus.



Mentio porrò nidorum, recens *in-*  
*jecta*, memoriam mihi refricat *luta*  
*contigui*, quo suos Turdi nidos *con-*  
*textim* ita construunt, ut *νεοτεριων*  
*ορμαθως* Series & catena nidorum esse  
videantur. Et quis cordatiorum ne-  
scit *Lutum* Vos Medicinæ atque *Fæ-*  
*ces*, Vestros ad nidos, in altissimas  
deponere *Pinus*, copulâ inter Vos  
tantâ, ut, vel Vestram ante Meta-  
morphôsin *cera* maleficâ *cohaeritis*  
eadem, *cera* & *laudati* pariter eâ-  
dem, sicuti nunc *imis* radendi *ceris* &  
*isdem*.

Verùm enimverò, an non inju-  
riofus forem in Vos, si, qui *Turdo-*  
*rum* Vitia Vestra detexi; ipforum,  
Vestrûmque Virtutes nullam pro-  
traherem in lucem. O utinam ergo,  
vel aliquod Numen Me afflaret, vel  
*Pierius* saltem *mentis* incenderet *ar-*  
*dor*, quò Vestram primùm solertiam  
In Archididascali Vestri vocibus  
imitandis carmine celebrem, & qui-  
dem



dem Heroïcô ! Quicquid enim Oscè  
 & Volscè, quia Latinè nescit, de pan-  
 creatè, & de conario fabulatus est,  
 id ipsum trutilais, vel recantatis. Quâ  
 certè recinendi peritiâ Vestrâ Tur-  
 dum longè superatis, qui Cæsaris  
 apud Agrippinam, hominum ser-  
 monibus tam fidelis resonuit, illius  
 ut memoriam nulla sit temporum  
 edacitas exesura. Jurê igitur potiorî,  
 O Doctorû garrula & resonabilis Echo,  
 Semper honos, noménque Tuum,  
 laudesque manebunt !

En & Vestras laudes alias solidio-  
 res multò ; sicuti namque obeso

*Nil melius Turdo,*

Ita profectò, quid Vobis Doctoribus  
 & obesis, & obese naris melius est ?  
 Pinguis etenim Vester aqualiculus  
 extans propenso sesquipede, sensum  
 tenuam non gignit ; ac exinde, præ  
 bonitate toti nunc simplices estis, &  
 innoxii, qui modò fuistis corde Du-  
 plices, atque κακῶς ὄντες.

F 3

En



En Vestram rursus solidam & gloriam : Est siquidem

*Inter Aves Turdus, si quid, me fudiee, certum*

*Gloria prima :*

Ita meherclè, Vos, ὦ Πάῃν, quibus universis hæc nuncupo, Vestras estis, concolores inter, Aves, gloria prima. Pompeji\* tamen sine Vobis vivunt : Imò idcirco vivunt, quòd Vobis Turdis & Tardis sint usi nunquam.

Verùm, transformationum satias me tenet ; nec tot illarum ullum induxif-

\* Ad istud ænigma Sphinxæ ero. Pompejo ægro Medici turdos præscripserunt, & cum nusquam, nisi apud Lucillum, essent reperti, à Lucullò interim peti noluit Pompeius, regerens, An igitur absque Lucilli luxu Pompeius non viveret ? Secundum porrò periodi membrum per se patet. Ad extremos siquidem exitus non uia semper trivulentia morbi sufficit, sed & Medici imperitiam accedere oportet, quò citius conficiatur æger, ὡχ ἰκανὴ ἔνοστέειν βίη, εἰ μὴ ζῶν ἔλθοι τῆ ἑλπίδι ἀπείρη.



duxissem animum, ni Vos nasutos,  
 mē præsentē, tam turpiter *denasasset*  
 ille *Naso*. Aliàs quippe, dum Vos, ceu  
 tot *Apollines* suspicio, *mentem* me-  
 am id unicè *subiisset*, Apollinis Vos  
 morē *ultroneas* tot *subiisse formas*.  
 Nullus enim adducar ut credam di-  
 lectam Vos *sobolem Jovis*, quibus  
 est *herbarum subjecta potentia*, Ve-  
 stro Vos nequivisse *Moly*, (*Mercurii*  
*potiore*, & quod è *rad. nigra*, Vo-  
 bis semper ad manus, nec effo-  
 diendā laboriose, *lacteam florem*,  
*atque spurmeum*, *interdiu*, *nocturne*  
*Vobis fundit*) tot ab illis asserere  
 Metamorphosisibus. Sed nunc tantæ  
 Vestræ & Majestatis, & potentia  
 detrimento exploratum est mihi,  
 formas tot illas, *invitas esse*, nec *ul-*  
*lis medicabiles herbis*; nec *prodesse Do-*  
*mino*, *que profunt omnibus Artes*. Su-  
 premis interim votis pristina Vestra,  
 splendidaque *Glandulosorum Apolli-*  
*num* exoptanda forma. Sic enim vel



*conglobati, vel conglomerati, foedissimum ludibrium illud, quo nunc, Vos proculcant, virtute fortiori à Vobis amoliremini. Sed tot dissimiles formæ quas subiistis, non conveniunt glomeramen in unum. Vobis itaque, propriâ virtute cassis, maxime sum auctor, ne Vos pudeat tantis Vestris in angustiis, ad Circe deflexisse? sicut enim suis illa carminibus socios Ulyssis in suos convertit, ita certè, negotio nullo, Vos, origine Bæotos pristinam ad Glandulosorum naturam revocaret. Et cum aliunde notum sit suam Bæoticam glandibus & cœno in lepram incurere. citra carmen; quidni pariter, vel absque Circes incantamentis, glandula vestræ cœnosæ malâ scabiè Vos inquinent? Quò tamen citius Vestrum alii sese aliis affricent, indignabitur Circe suum Vobis oggerere Κυκεῶνα; vel summos tangere virgâ capillos, & confestim setis horridi;*



vidi, totoque in terram procumbente  
vultu, pro verbis, nil nisi raucum mur-  
mur edetis. Et tantâ profectò Meta-  
morphôsi Vos adjutum iri totus con-  
fido; illâ quippe leprâ Vestrâ potio-  
res nullæ Vobis suppetent artes, qui-  
bus hæc ad mea spicula stupeatis:

Vereor interea ne *Menelai* crimi-  
nationem incurrerim, & *Consultor*  
*factus sim invocatus*. Quid namque  
Vobis expeditius est, quam regef-  
fisse Mihi, *Quid Tê & ficti vultûs*  
*amicô, & Consultorê dolosô, ege-*  
*mus?* An non nostris ab incunabu-  
lis corio sumus *Elephantino circumtecti?*  
Nostra igitur *Elephantiasis* isthæc  
nobis est abundè, nec *leprâ* nobis  
opus est quæsitâ atque precariâ, quò  
*dentatam* tuam ad *chartam* sensum  
deponamus omnem? Hoc unum do-  
lemus duntaxat, *dolore si modo tangi-*  
*mur ullo*, *Elephantis coriô* nos pri-  
mitus obductos, *Elephantinâ* interim,  
lâm olim egere *promuscide*. Id unum  
à se



à se *Prometheus* si fineret exorari, speraremus omninò Nos fore tandem *πανολβίς*, ubi, nunc sumus *πανόλεθροι*, & *pinus* in morem *succisi*: Tanti quippe beneficii spes decolavit omnis, & *trās* aliunde *telis*, ac bifrontis etiam *Leonicent Iani*, tam altè *confossi* *jacemus*, res ut nostra jam redierit ad *Triarios*, & nos ad *restim*.

En Vos igitur spè cassos, & ad summam desperationem adductos. Sed illiberale foret in Vos & jacentes & calamitosos insultasse: generosi pectoris est, Vobis ægris & deploratis ægrescere, vicesque Vestras dolentiùs deflère. At ubi fata vestra & graviùs & diutiùs, quam uila mater unicum filium, eluxero, si quis proditor, *cujus anima glandularum limo atque facibus sit profundior immersa*, revocatis animis, Me suffodere vel somniet, is, *modò non sit vel diobolaris, vel triobolaris, & de lapide empius,*



ptus, Virum me sentiet, & qui nunc  
 miseris Vobis nullus insulto, tunc infi-  
 liam. Gallorum enim est infilire;  
 Meum igitur erit, qui totus sanguine  
 Gallico, vel ad summam digitorum clau-  
 sulas, perfundor, gigantis illius pul-  
 monei, atque stolidè tumentis, retunde-  
 re supercilium. Sed si de Vobis, jam  
 oppressis, ne unus quidem Gigas,  
 irâ meâ dignus, resurgat, atque re-  
 filiat, tunc hostilem illum, quem,  
 hâcce sortis Vestrae commiseratione, ani-  
 mum deposui; benivolam Vobis per-  
 petim, atque, beneficium estis ex-  
 perturi. Sicut ergo generosus profi-  
 teor, nullum me de Vobis blatero-  
 nem, (mibi iicèt magis obstrepat,  
 quàm Ulyssi Therites) lethali contu-  
 furum pugnò; ita profectò, si qua  
 Virtus apud Vos fuit unquam, Ve-  
 strum erit accepti huiusce beneficii  
 memorem animum in Me præstare;  
 meamque fidelitatem illam, dum  
 apud Vos Libellionis sustinui partes,  
 suò



suò remetiri pretiò. Fides enim *Vestrum Polyantheam* Vobis ad verbum expressi, quò, fidelitate tantâ, Vestram gratiam aucuparer.

Si quid porrò vel in *Vos* duriùs, vel de *Me*, fastosi *Maximi* more, superbiùs dictum sit, id univèrsùm, *Vestri in Polyanthæe caput* recidat. Is enim *antographò* suò tot de *Vobis* vituperationes, sed tot insimul de *me* gloriations includit. Illò igitur nominè, tantum abest ut apud *Vos*, rerum *estimasores æquissimos*, culpandus veniam, ut ediverfo laudibus sim laudandus tergeminis, ob fidele scilicet hocce meum *Apographum*. Fides enim *Exscriptor*, nec suâ laudè; nec suâ mercede fraudandus est unquam. *Vestra* ergo, & *præconia*, & *præmia*, spè devoro. Nihil siquidem causæ subest cur illa *Mihi* largiter non tribuat, jam quippe *Judices* in *Me* sedetis inculpandi & affectuum expertes; *Vestram* namque non modò bilem  
aterri-



aterrimam, sed & pancreatis acorem omnem, *meram aruginem*, & purum putumque virus, in Me, *de suggestu dicentem*, estudistis. Ab illis itaque synceri meritissima mihi, *ex equo & bono*, estis decreturi. Et enim, *fermenti veteris* vel hilum si restitit, illud omne profectio & *mandragora multa*, quam quotidiani bibitis, & *opiò largò* ad veternum usque Vobis familiarè, ita repressistis, ut Vestrum nemo *totus nunc in fermentò* jaceat. Dum Vos in syncerrimum candorem illum ita repurgatos contemplor, tota mihi præ gaudiò præcordia saliunt, malignitate nempe nullà, nullòve livore Vos impeditum iui, ne *Palmas* mihi benè multas, è *Vestrà Palmiserà Pharò*, decerpatis, quò *manus* meas alteram, atque alteram exornetis, quibus hosce Vobis, raptim quidem, sed fideliter, *plenis* è *Polyantheà calathis*, flosculos legi. Rem tantulam eò confidentius à Vobis



expecto, quòd eò in me animo ve  
 malignò, vel invidè nequaquam si-  
 tis, quò *Sochares* olim in *Melitiadem*  
 erat de *Persis* victorem, coronam-  
 que petentem *Oleagineam*, sibi ne-  
 gatam. Vestras itaque palmas ani-  
 mo dum percipio, ad hæc quæso  
 exultetis *Floralia* Vestra, & hosce  
*Polyantheæ* flores sagacius odorem ini-  
 quàm aliàs, nunc enim estis *emunctis-  
 sima naris*, & Vos in deliciis *Flora*  
 habet. Vestrarum interim palma-  
 rum gratia nusquam apud Me sene-  
 scet, sed æternum vigebit, & ad mu-  
 tua Vobis officia, ad aras usque præ-  
 standa, me perpetin & acriter est in-  
 stigatura.

Meas porrò & *jactantiam*, & pu-  
 gnantes de Vobis *sententias* feratis sup-  
 plex rogo. Id utrumque, *coctum licet*  
*durum*, efficiam ut concoquatis. Pri-  
 mum quod attinet, *immodicam pro-*  
*prii jactatorem honoris* me oportuit,  
 quoniam olim eum eratis *ἀρέφαι-*  
*δοι*, & *auribus* nihilominus *Bæoti-*

cis



eis largiter instructi, infensos mihi  
 gerebatis animos, ac idcirco turpens  
 ac vitiosum *Exscriptorem Polyantheæ*  
*rugosa sannâ eratiu Me cavillati; &*  
*sthæc sama Vestra, atque cavillatio,*  
 Me invicem ad magnifica Mei ipsius  
 præconia compulerat. Nunc verò,  
*multiplex illa forma, quam usque*  
*adeò variam, atque variam subistis,*  
 Vos alios planè finxit, amicissimos  
 nempe Mei, ac meorum etiam fide-  
*lium Apographorum æstimatores æ-*  
 quos, atque graues; Me proinde  
 jactere desino, & *ex animi submis-*  
*siorè, quemque Vestrum Mè præ-*  
*cellentiore excstimo* Cæterum, *pa-*  
*rgania* tot exscripti, non imprudens  
 quidem, ceu tot illis secum contra-  
 dictionem invehentibus patentissi-  
 mum Vobis præberem confodien-  
 dum latus. Istud certè meum in-  
 fortunium, ardens ille meus Vos  
 Zelus declinare nequivit, quò etenim  
 paratior, *Vestrum ad nutum, Vobis*  
*Polyantheæ festinatum* cederem Apo-



*graphum*, volantē non solum cala-  
mō, sed & *ambabus* illum descripsi  
manibus; atque sic *dexterā* ex cerpta,  
Vobis *dexta* sunt & benè ominosa;  
*sinistrā* verò transcripta, Vobis &  
*sinistra* sunt, ac etiam malè omi-  
nosa.

Exindè est ut fatum incurreritis  
in idem, in quod Ego nuper, *eo dun-*  
*taxat excepto*, quòd *lævā scripta*,  
*læva* & infelicia *maneant*: *Dexterā*  
verò, *dextra* atque felicia: At re-  
cens, cū de suggestū *lævum into-*  
*nui*, felicitatem Vobis portendi cre-  
didistis; *Læva* etenim *fulmina* Mea  
Vobis *εὐοίωνισα* fuere; quæ verò  
*Dexterā* sum jaculatus, Vobis tunc  
*lævis* mihi stantibus ex adversō,  
*δυσοίωνισα* uisa sunt; Et isthæc  
Vestræ mentis & corporis *halluci-*  
*natio*, & *obliquitas*, quâ Vobis da-  
tum est omnia mea *dextra transmu-*  
*tare lævis*, hujusce mei Vobiscum est  
*teterrima belli causa*. Sed illud com-  
ponamus oportet, *mortales inimici-*  
*tias,*



*tias, sempiternas autem amicitias ut habeamus. Et reapse, totius Vestrae hostilitatis in Me ne hilum quidem superest; Verba namque volant, atque adeo levia vestra in Me injuriose verba, leves evolarunt in auras, nullò sui stigmatè relictò. Sors deinde, quæ omnia versat Me totum in Vos ita convertit, ut solidâ Vestrâ velim ab amicitia pendere, & Vestris deinceps lateribus indivulsus adhærere.*

Valete interim *Pancraticè*, & *Vestra Pineta Cedris Libani lætiùs surgant, & fruticentur æternum.*





*Honorem sapientes possi-  
dent, stolidos verò tollit igno-  
minia. Prov. III. vers. 35.*

*Os stolidi contritioni est ei,  
& labia ejus, tendicula vitæ  
ejus. Ibid. xviii. vers. 7.*

*Mors & vita in potestate  
linguæ: prout quisque amat  
uti eâ, comedet fructum ejus.  
Ibid. vers. 21.*

LIMA.



## LIMATULUM

atque Politulum *Ordinis Ele-*  
*phantini, sive Glandulosi,*  
*de Drelincurtianis*

LIBITINÆ TROPHÆIS  
 JUDICIUM.

**P**ossumus \* si vellemus no-  
 stram Polyantheā † copia-  
 re talium Orationum mille  
 facere, qualium fecit Gallus †  
 ille,

Ε ΠΙ Κ Ρ Ι Σ Ι Σ ,

sive *Improbationis improbatio.*

\* *Possetis si velletis & flectere Superos,*  
*& Acheronta movere: sed utinam aliunde*  
*possetis nulli, quod nulli velle deberetis.*  
*Verum Hellepontiaeo peculio estis opi-*  
*miores, quam ut aligero Deo, atque Cy-*  
*priæ Deæ, per fas & nefas frequentes non*  
*litetis. Vid. pag. 191, & 208.*

† *Videsis pag. 5. & 239. atque notulas*  
*passim in Orat.*

‡ *Gallum revera Me nostris intus & in*  
*exte, & natalibus illis totus gloriator, totusq;*



80 JUDICIUM ORDINIS

ille, & dicere illud quod ille  
dixit, hic obivit cum tale  
morbo & hic insuper obivit  
præterea cum tale altero, &  
hic quoque obivit etiam cum  
tale altero, & sic *millies* †, sed  
nolumus id facere, nam si fa-  
ceremus illud, *puderemus*\*,  
uti

superbio. Vos veò, *Sybaritus* nequaquam  
novi; Vestris tamen Me finibus extermina-  
tum *velletis* si *possetis*, quod *cantu* meo plu-  
res *Vestrùm excitem* \* quandoque.

\* Ad illam alluditur *Sybariticam* mol-  
litiem, quâ *Gallos gallinaceos* ab urbe suâ  
longè semoverunt, ne mulcibres somni  
delicias sibi suffurarentur, ὅπως ὃ αὐτῶν  
πανταχόθεν ἀθύρῳσι ὡσιν οἱ ὑπνοί, ἐκ ἐξω' ἀ-  
λεκτρύονα ἐν τῇ πόλει ἱρέφει. v. p. 166 & 227

† Et mille possem Ego, *Plautinus* è ver-  
bis, Vestros facere *Panegyricos*, hi nempe  
Doctores sunt *stulti*, & illi *stolidi*; & hi *fa-  
rui*, & illi *fungi*; Et hi *bardi*, & illi *blenni*;  
& hi *buccones*, & illi longè antecunt omneis  
*stultitiæ & moribus indoctis*.

\* *Pudoris* tamen *decocti histriones* estis,  
nec Vos vitia *Vestra* pudent. Qui igitur *Po-  
lyantheam*, vel *totum*, descripsisse pudere?  
Affe-



uti pudemus † quod *Drelin-*  
*curtius* ille fecerit illud, &  
 quod ille nihil in Oratione  
 totâ *probavit*\*, & quod ra-  
 tiones

† Affectûs ingentis in Meluculentum  
 testimonium illud est, ac Vestris condi-  
 gnum pectoribus *Heroicis*. *Heroicum* idcir-  
 eo *carmē* meditor, meæ *τεμπήριον εὐχαριστί-*  
*ας* tot erga Vos, Mihi *benevolos irucidatores*.

\* Nihil Me *probare* fateor ultro. Ec-  
 quid enim opus est ut *probem* quod apud  
 omnem est in confesso; quodque præterea,  
*cæcum* Vestrum de Me *judicium* plus satis  
 comprobat, Vos scilicet esse vel *fungos*, &  
 quidem *venenatos*; vel *abominandas* & fi-  
 mo adjectiores, atque cimicibus olidiores,  
*cantharidas*. Quid deinceps *probem* Vos &  
*hybridas* esse, atque *Bambationes vitiosis*  
*viliores pomis*, & ut *obolo* quidem, vel *con-*  
*cha dignos*? Literatos reverâ Vos effertis;  
 sed qui Vos optimè norunt *notis* Vos no-  
 runt *Threiciis* compunctos; *proletarios* in-  
 super, ipsoque *indoctiores Philonide*. Imò  
 mentem, *aiant*, Vos *Abderiticam* gerere;  
 aut si cui Vestrum sua mens constet adhuc,  
*Mysorum* illum *postremum* esse, nec *hilum*  
*sacri* habere, ac prorsus indignum esse, qui  
 vel *Hippocrati matulam præstet*, vel *porcos*  
*Galenii* *pascat*. Verùm, illi abundè est, *fa-*  
*mosis*



tiones nullas nullæ \* *rei* redderit; & quod Orationem  
suam

*mosis suis Viros in honoratioris libellis tinea* pascere: sive ut grandia nunc, & jam pridem probata, atque comperta de ipso, de- que Singulis Vestrum eloquar, Vobis plus satis est, eruditos inter nihil valere, vulgus autem apud ineruditum atque profanum Tragicos esse Reges, ollarésque Deos. O Vos felices, terreos prius, & mole brutâ compactos, nunc verò *ισοθέων* consecutos!

\* Ecquam, amabo, tantæ Vestræ *γαργή-  
γίας*, quâ Viros in Doctos plena eonviciorum effunditis plaustra, rationem daturus essem? Id unum tamen asserere est, *Mali corvi*, mala Vos esse ova; & Vestras ad streperas maledictorum *ἀμάρτας*, perinde ac vel ad campanarum pulsum; vel ad cicadarum, atque scarabæorum stridorem, obsurdendum esse. Ecqua deinceps ratio Vestra foret illius adhibenda ruditatis, quâ & doctos contemnit omnes, & plures perimitis ægros, quàm gulâ pereant; nisi quod Eruditi Viri inimicos capitaliores habeant nullos, quàm idiotas de trivio. Quòd alta insuper, Artis Medicæ sapientia sit *supra* Vos, atque adeò nihil ad Vos; Vel fortè quòd altiorrem ad illam Artis nostræ Sapientiam, quæ Hippocrateos efficit *ισοθέων*, Vos jam olim grassatos esse Vobiscum stultè reputetis; nec  
ad il-



suam fecit cum *gestis* † quæ  
non sunt digni Rectoris Ma-  
gnifici.

ad illam grassari ullis animi nervis conté-  
daris. Vel demum, quòd ἡ μάστιξ sit ἡ ἑ-  
σπύνη & πθύνη, arque adeò, Vobis ad facinus  
animos addat; Vosque & instiget de corio  
ut ludatis humano, ac experimenta per  
mortes agatis; & armet veneno, homines  
ut impunè trucidetis, & Vestris gibbera ve-  
nificiis compleantur cœmeteria.

† *Gestus* meos à Vestris abludere meum  
est infortunium crassum, quòd scilicet mei  
natales Vos extra *Cyclicos*, atque *Ludiones*;  
Vestram mihi inviderint *Histrionicam*.

*Mimica* quidem *præcepta* Vestra nullus  
legi, sed *praxin*, multis ab annis, sedulus  
attendi, cujus *Balliones* apud atque *Philoxe-  
nos*, *Gnathonésque* Vestros inter Orationem  
plagio descriptam, & descripto recitandam  
oscitanter, summa hæc est, pulpitum p e-  
mere cubito; gravemque semi-contractâ  
manû fulci e maxillam, & pleno suggestu,  
mucosis de naribus, atque rancidulis, ma-  
lam pituitam, ozænicâque stiriam, digi-  
tis identidem emungere rusticis, & squa-  
lidæ manûs tergere convexo.

O Me infelicem tantis à *blennis*, & tantis  
infirmul à *Mimis*, atque *Pantomimis*, tam  
alienum, quàm qui alienissimum est!

F I N I S.



*Sed si contunderes stultum  
in mortariò, in mediò mola-  
rum, pistillo, non recederet  
ab eo stultitia ejus. Prov.  
xxvii. vers. 22.*

*Etsi glandulosorum stilla-  
tes (alembicò) Pinz glandu-  
las omnes, μηδὲν ὕγρès, ne hi-  
lum quidem sanì emitte-  
rent,*

*Totum enim Spiritum suum  
protulère stolidi.*

*Prov. xxxix. vers. xi.*





*Handwritten scribble*

4069

**ULB Halle**

3

003 736 199



*Sle*

*VD17*








Scriptura

S. A. P.

LIBR.







Farbkarte #13

B.I.G.



CAROLI  
DRELINCURTII  
APPENDIX  
AD  
LIBITINÆ  
TROPHÆA.

*Respondet Stolido secundum stultitiam  
ejus, ne sit sapiens in oculis suis.  
Prov. 26. vs. 5.*



ANNO 1680

